



RÍKISLÖGREGLUSTJÓRINN

ALMANNAVARNADEILD



Berist til: Fjölmíðlar, almannavarnir.is, stjórnýsla og tengiliðir sóttvarnalæknis.

STÖÐUSKÝRSLA

Dags: 23.03.2020

Kl.: 16:30

Staðsetning: Samhæfingarstöð almannavarna/Embætti landlæknis/Söttvarnalæknir,

Neyðarstig vegna COVID-19

Framvinda

Unnið er hörðum höndum að því að miðla upplýsingum og ráðleggingum til almennings, stofnana og fyrirtækja. Allar leiðbeiningar er að finna á heimasíðu [Embættis landlæknis](#), [Ríkislögreglustjóra almannavarnadeild](#) og [Upplýsingasíðunni covid.is](#)

Ráðgjöf vegna COVID-19

Leiðir að ráðgjöf hjúkrunarfræðinga:

Alvarleg veikindi:

- Vaksíminn 1700
- Símtal á þína heilsugæslu á dagvinnutíma

Minni veikindi:

- Samskipti á Mínum síðum á heilsuvera.is
- Netspjall á heilsuvera.is - 8:00-22:00

Mikið álag er á Læknavaktinni og Heilsuveru. Við hvetjum fólk til að kynna sér upplýsingar, sem eru á ofangreindum vefsíðum.

Fjöldi smitaðra hér á landi er nú 588 þar af 249 innanlandssmit og ekki vitað um uppruna 144 smit. Samtals hafa um 10.301 verið tekin, þar af 183 síðastliðinn sólarhring. [Skv. tölum Landspítalans](#) hefur 51 einstaklingi batnað og 7 einstaklingar hafa verið útskrifaðir af spítalanum.

23. upplýsingafundur, 23. mars, 2020.

Víðir Reynisson yfirlögregluþjónn stjórnaði fundinum.

Þórólfur Guðnason – sóttvarnalæknir fór yfir stöðu mála með tilliti til COVID-19 hér á landi. Óvenju fá tilfelli greindust sl. sólarhring. Eðlilegt er að það séu sveiflur á milli daga. Um helmingur þeirra sem greinast eru í sóttkví. Á Landspítala eru 13 sjúklingar inniliggjandi en enginn á gjörgæslu. Meta stöðuna þannig að veiran er í vexti en ekki miklum, samkvæmt þessum tölum. Þarf að skoða nokkra daga í einu til að meta stöðuna. Útlit er fyrir að faraldurinn nái hámarki um miðjan apríl, samkvæmt nýjasta reiknilíkani. Mat á aðgerðum: Erum á réttri leið. Meðaltalsaukning sjúklinga er hvað lægst hér á landi miðað við önnur Evrópuríki. Greinum marga sem eru í sóttkví og erum að grípa til réttra aðgerða. Skortur á sýnatökupinum er áhyggjuefni. Nú eru til um 2000 pinnar. Taka sýni frá veikum og sleppa þeim sem eru einkennalausir eða einkennalitlir. Þórólfur vakti athygli á að búið er að setja upp á Heilsuveru.is **skráningu með rafrænum skilríkjum varðandi sóttkví**. Einnig er hægt að fá þar vottorð varðandi sóttkví. [Sjá nánar frétt á vef heilbrigðisráðuneytisins](#). Þeir sem ekki eru með rafræn skilríki hafi samband með öðrum leiðum. Sjá nánar í frétt. Unnið er að enskri og pólskri útgáfu.

Alma S. Möller, landlæknir talaði til þeirra sem eru á sjúkrahúsum og á hjúkrunarheimilum þar sem eru aðgangstakmarkanir. Hagsmunir íbúa eru hafðir að leiðarljósi. Hún hrósaði þeim sem stuðla að jákvæðri samstöðu og jákvæðum fréttum. Einnig verslunum sem senda heim og öðrum sem sýna hugmyndaauðgi í lausnum sínum. Alma ræddi einnig um [fyrirmæli landlæknis um að hætta valkvæðum aðgerðum](#) þannig að unnt sé að sinna sjúklingum með COVID-19 jafnframt því að veita aðra nauðsynlega heilbrigðisþjónustu. Öllu brýnu verður sinnt. Sérfræðilæknar verða að taka yfirvegaðar ákvarðanir út frá hagsmunum skjólstæðinga. Hún hvatti heilbrigðisstarfsfólk til að skrá sig í bakvarðasveitina og eru læknanemar og hjúkrunarnemar velkomnir. Meta hvort þarf að sækja um tímabundið starfsleyfi fyrir þau hjá landlækni. Einnig ræddi hún um blóðbankann sem verður að geta tryggt sína þjónustu. Tryggja verður nauðsynlegar öryggisbirgðir. Hún hvatti blóðgjafa til að panta tíma á vef [Blóðbankinn.is](#) eða í síma til að geta haldið fjarlægð.

Unnur Sverrisdóttir, forstjóri Vinnumálastofnunar fjallaði um aðgerðir stofnunarinnar vegna þeirra stöðu sem upp er komin og blasir við vegna COVID-19. Þau gripu til ýmissa ráðstafana um mánaðarmótin febrúar-mars. Nú er starfsfólk í fjarvinnu og þjónustuskrifstofur lokaðar. Öll þjónusta þeirra fer fram í gegnum síma og netið.

Á [vef Vinnumálastofnunar](#) verður hægt að sækja um greiðslu atvinnuleysisbóta samhliða minnkuðu starfshlutfalli vegna tímabundis samdráttar í starfsemi vinnuveitanda. Þetta er tímabundið ástand sem vonandi sem tekur skamman tíma. Mikilvægt að halda vinnusambandi svo þekking tapist ekki. Leiðbeiningar eru á vefnum á íslensku, ensku og pólsku. Einnig spurt og svarað á vef þeirra. Almennar umsóknir um atvinnuleysisbætur eru einnig einfaldaðar á vefnum. eru með símaþjónustu á pólsku frá kl. 13-15 og reiknivél á vefnum til að skoða minnkað starfshlutfall og áætlaðar tekjur. Unnið í gegnum vef og síma. Verktakar og sjálfstætt starfandi sækja um á Mínum síðum. Skila inn vottorði frá RSK um að rekstur hafi dregist saman.

Upplýsingafundir helgarinnar

Þann 21. mars fóru Víðir Reynisson yfirlögrelupjónn og Alma D. Möller landlæknir yfir stöðu mála með tilliti til COVID-19 hér á landi. Einnig fjallaði Páll Matthíasson forstjóri Landspítalans yfir aðgerðir á spítalanum.

Á upplýsingafundinum 22. mars fjölluðu Víðir Reynisson yfirlögrelupjónn og Þórólfur Guðnason landlæknir um stöðu mála með tilliti til COVID-19 hér á landi. Einnig var sérstaklega beint sjónum að íþróttastarfi og fór Lárus L. Blöndal, forseti Íþrótt- og ólympíusambands Íslands yfir áskoranir og verkefni íþróttahreyfingarinnar vegna COVID-19.

Upplýsingamiðlun

Vefurinn www.covid.is

Upplýsingar um tölfræði sjúkdómsins eru uppfærðar einu sinni á dag og birtar rétt fyrir hádegi á vefsvæðinu covid.is

Á vefnum er hægt að nálgast upplýsingar um aðgerðir hér á landi vegna sjúkdómsins sem veldur COVID-19. Þar má einnig nálgast ýmsar tölulegar upplýsingar. Vefurinn er í sífelldri þróun og uppfærður reglulega. Hann er sem stendur á íslensku, ensku og pólsku. Nú er kominn möguleiki á að skoða og prenta út ýmis [veggspjöld sem hafa komið út](#).


Framundan:

- Upplýsingafundir fyrir fjölmiðla eru áætlaðir alla daga kl. 14:03.
- Næsti stöðufundur vegna COVID-19 verður þriðjudaginn 24. mars kl. 9:00.

Samráð og ýmsar upplýsingar

- Allir íbúar Íslands sem hafa dvalið erlendis og snúa heim 19. mars eða síðar þurfa að fara í sóttkví í 14 daga. [Sjá upplýsingar á vef embættis landlæknis.](#)
- Fréttatilkynning heilbrigðisráðherra: [Hertar takmarkanir á samkomum – mörkin sett við 20 manns](#)
- [Rafræn útgáfa vottorða til staðfestingar á sóttkví](#)
- [Minnisblað sóttvarnalæknis til heilbrigðisráðherra](#)
- [Stjórnvöld koma til móts við vinnumarkaðinn.](#) Samþykkt frumvarp um rétt til greiðslu atvinnuleysisbóta samhliða minnkuðu starfshlutfalli vegna tímabundins samdráttar í starfsemi vinnuveitanda.
- Atvinnuvegaráðuneytið, ásamt MAST og Dýralæknafélagi Íslands hafa sett upp [bakvarðalista fyrir Dýralækna- til að sinna dýralækningum.](#)
- [Bændur hafa einnig gert sinn eigin útkallslista.](#)

- Frétt: [Áhrif COVID-19 á pakkaferðir](#)
- Frétt: [Frestun valkvæðra skurðaðgerða vegna Covid-19.](#)
- [Leiðbeinandi viðmið um íþrótt- og æskulýðsstarf í ljósi takmörkunar á skólastarfi og samkomum.](#)
Leiðbeinandi viðmið um hvernig beri að túlka auglýsingar um takmörkun á samkomum vegna farsóttar og takmörkun á skólastarfi vegna farsóttar þegar kemur að íþrótt- og æskulýðsstarfi barna, ungmenna og fullorðna.
- [Upplýsingar sendar til samtaka sveitarfélaga varðandi samkomubann og börn.](#) Skólar, leikskólar og íþróttafélög hafa skipulagt vandlega fyrirkomulag næstu daga og vikur til að fara eftir fyrirmælum heilbrigðisráðherra um takmarkanir á skólastarfi og samkomum. Ensk þýðing í vinnslu.
- Leiðbeiningar v/ [Börn í sóttkví – leiðbeiningar og tillögur til forráðamanna](#) og [Börn með sérþarfir í sóttkví](#)
- **Heilsuvera.** Sífellt fleiri hafa samband við heilbrigðisstarfsmenn á upplýsingagáttinni heilsuvera.is, en þar er hægt að skrá sig inn með rafrænum skilríkjum, og eiga í samskiptum við heilbrigðisþjónustuna. Heilsuvera fékk alls 723 fyrirspurnir föstudaginn 20 mars, 628 fyrirspurnir laugardaginn 21 mars og 638 fyrirspurnir sunnudaginn 22. mars í gegnum netspjallið.
- **Læknavaktin.** Sjá fjölda símtala í mars.




- Hægt er að nálgast upplýsingar um niðurstöður sýna frá Íslenskri erfðagreiningu/Decode í Heilsuveru undir valmyndinni „Samskipti“. Innskráning með rafrænum skilríkjum.
- [Leiðbeiningar fyrir starfsmenn í sambýlum 2, sent 23. Mars 2020](#)
- Varist vefsvindl og svik á tímum COVID-19. [Sjá frétt á vef Almannavarnadeildar RLS.](#)
- Tölfræðispá Háskóla Íslands birt á vef www.covid.hi.is
- [Leiðbeiningar til leigubílstjóra vegna flutnings farþega í sóttkví eða með mögulegt COVID-19 smit](#)



COVID-19 á Íslandi - Tölfræði

- Upplýsingar á síðunni eru sóttar úr gagnagrunni á miðnætti.


Fjöldi sýna eftir dögum



● Sýkla- og veirufræðideild LSH ● Íslensk erfðagreining

Download data

Fjöldi smitaðra eftir dögum



● Sýkla- og veirufræðideild LSH ● Íslensk erfðagreining

Download data

Pegar gefnar eru út upplýsingar um hve smituum hefur fjölgað mikið frá deginum áður er það ekki alltaf svo að sambærileg tala birtist í síðu dagsins. Ástæðan er sú að birting upplýsinga um smit taka mið af því hvenær sýnið var tekið en ekki hvenær það var greint.

Heildartölur

- 588** staðfest smit
- 537** í einangrun
- 13** á sjúkrahúsi
- 51** batnað
- 6.816** í sóttkví
- 1.193** lokið sóttkví
- 10.301** sýni

Fjöldi smitaðra eftir kyni



Download data

Uppruni smits



Download data


Smit / sóttkví eftir landshlutum



	Smit	Sóttkví
Höfuðborgarsvæði	473	4497
Suðurnes	29	285
Suðurland	59	798
Austurland	0	75
Norðurland eystra	5	318
Norðurland vestra	11	363
Vestfirðir	1	179
Vesturland	4	213
Óstaðsett	6	85
Útlönd	0	3

Download data

Fjöldi smitaðra eftir aldri



Kórónaveira – útbreiðsla erlendis

Í dag hefur sýking af völdum COVID-19 verið staðfest hjá **um 350,536 einstaklingum** samkvæmt John Hopkins og **um 15,328 einstaklingar** hafa látist. Þá hafa **100.182 einstaklegar náð** sér eftir veikindin. Mikill vöxtur hefur verið í dreifingu veirunnar í Evrópu. ECDC hefur breytt áhættumati sínu yfir í að faraldurinn geti orðið meðalstór eða mikil lýðheilsuógn. Sjá vef [Sóttvarnastofnunar Evrópu \(ECDC\)](#) varðandi þróun mála í hverju landi fyrir sig. Sjá áhættumat ECDC.

Borgarþjónusta utanríkisráðuneytisins.

[Utanríkisráðherra hefur hvatt alla Íslendinga](#) sem hygga á heimkomu þurfi að snúa heim strax, skrá sig í grunn borgarþjónustunnar og hafa beint samband ef þeir verða strandaglópar. Um mánaðamótin gætu allar flugleiðir hafa lokast.

Borgarþjónustan vinnur náið með borgarþjónustum Norðurlandanna til að fylgjast með flugframboði til Norðurlanda svo hægt sé að koma þeim Norðurlandabúum til aðstoðar sem eiga á hættu að verða strandaglópar, ekki síst í fjarlægari ríkjum.

[Grunnur borgarþjónustunnar.](#)

[Afskráning fyrir þá sem eru komnir heim.](#)